



Universitätsbibliothek Paderborn

Historiae Ecclesiasticae Pars ...

Historiae Ecclesiasticae Pars Secvnda, Qva Continentvr Socratis Scolastici
Constantinopolitani lib. 7. Theodoriti Cyrensis episcopi lib. 5

Christopherson, John

[Köln], 1569

De Damaso Romano Pontifice & Vrsino, & quomodo eorum causa
perturbatione Romae exorta ac seditione, multa inde strages subsequuta
sit. Cap. XXIII.

urn:nbn:de:hbz:466:1-12704

SOCRAT. HISTORIAE

qui in partibus ad occidentē spectatibus habitabāt, obseruauit, eodēq; celebrauit modo. Qui autē ibi vitā degūt, à primo tépore, quo fidē Christianā cœpere p̄fiteri, semper post æquinoctium festum illud celebrarunt. Et quamquam ipse Nouatus, post regnante Valeriano, qui Christianos persequebatur, martyrio occubuit: illis tamē, qui in Phrygia nomē ab eo ducebant, licet à fide ecclesiæ auersis, eius cōmunione uti permīssum est. Quo quidem tempore diem festi Paschatis celebrandi commutarunt. Nam in Pazo vico, ubi fontes sunt Sangarij fluminis, concilio coacto, pauci quidam episcopi Nouatianorum in Phrygia, ijq; obscuri, decidunt, morem Iudæorum, qui Azyma faciunt, obseruandū, festumq; eodem tempore, quo ab illis agitur, esse celebrandum. Ista fuēre nobis à viro quodam atate admodum ingrauescente nuntiata: qui quidem se filium presbyteri esse dixit, simulq; cum patre illi concilio interfuisse: in quo neque Agelius Nouatianorum Constantinopoli Episcopus, neque Maximus Niceæ, neque Episcopus Nouatianorum Nicomediæ, neque eiusdem sectæ Episcopus Cotuaj adebat: cum tamen ab illis potissimum Nouatianæ religionis Canones sancti sint. Atque istas res ita iam olim gestas esse accepimus. Paulò post propter illud concilium (sicut alio loco dicemus) Nouatianorum ecclesia intra se ipsa diuisa est.

*De Damaso Romano Pontifice & Vrſino, & quomo-
do eorum causa perturbatione Romæ exorta ac
seditione, multa inde strages subsequuta sit.*

CAP. XXXIIII.

Am verò ad res eodem tempore in occidente gestas ve-
niamus. Cum Imperator Valentinianus tranquillè placi-
deq; vitam traduceret, nullamq; sectæ vlli exhiberet mo-
lestiam, Damasus Liberio in episcopatus Romani admini-
stratione successit. Vnde ecclesiæ Romanæ status forte for-
tuna magnopere conturbatus fuit: cuius rei causam talem
fuisse accepimus. Vrſinus ecclesiæ illius Diaconus, cū de-
lectus haberetur Episcopi, ipse Damasi cōpetitor fuit. Qui
cum videret Damasum sibi prælatum, iniquo animo ferens
se de spe decidisse, separatum ab ecclesia conuentus agere
labora-

Iaborauit, persuasitq; quibusdam obscuris & abiectis Episcopis, vt in occulto ipsum crearent Episcopū. Idcirco creatus est, non in ecclesia, sed in loco operto Basilicæ, quæ Sicona dicitur, Qua re confecta, populus discordare cœpit. Mutua igitur non de fide, aut hæresi aliqua, sed solum vter istorum sedem episcopalem obtinere deberet seditio conflata est. Hinc tam graues erant multitudinis concursationes contentionesq; excitatæ, vt præ tumultu inde exorto, permulti interirent. Quam ob causam complures tam laici quam clerici à Maximino, qui tum p̄fectus fuit, acerbis afficiebantur suppliciis: ad eumque modum & Vrsini conatus cohibitus est, & qui illi morem gerere in animum induxerant, penitus compressi.

Quod postquam Auxentius Mediolanensis Episcopus de hac vita migrauerat, & seditio propter futuri p̄fulis electionem exardesceret, Ambrosius prouinciae p̄fectus, cum illam militari manu restinxisset, communis omnium suffragio, & ipsius Imperatoris Valentiniani consensu, ad p̄sidentū ecclesie ascitus est. C. A. P. XXV.

SV B idem tempus Altera res planè Memorabilis Mediolani fortè gesta fuit. Cùm Auxentius illius vrbis Episcopus, qui ab Arianis fuerat designatus, è vita cefserat, ibi rursus magnopere de episcopo deligendo turbatum fuit: magnaq; apud illos excitata contentio, dum alij alium ad eum dignitatis gradum extollere laborarent. Vbi de hac re facta erat seditio, Ambrosius prouinciæ p̄fectus, dignitateque ornatus consulari, veritus admodum ne ex illo tumultu aliquid sceleris in ciuitate ederetur, hoc animo procurrit in ecclesiam, vt seditionem cōpesceret. Postq; populus eius aduentu conquicuerat, ipseque populum de multis rebus utilibus hortatus, temerarios multitudinis impetus compresserat, de repente uno omnium consensu & clamore Ambrosius episcopatu dignus existimatus est, omniumque designatus suffragiis. Nam eo pacto solum spes erat & concordiam inter ipsos conciliatam fore,